

және шақырылу тәртібі Бірлестіктің Авторлық кеңесімен белгіленеді. Кезектен тыс Жалпы Жиналыс Бас директордың өз бастамасымен немесе Бірлестіктің Авторлық кеңесінің өз бастамасымен немесе Бірлестік мүшелерінің тең жарымының талабы бойынша Бас директоромен шақырылады.

5.2. Жалпы Жиналыстың айрықша құзыреті болып табылады:

- 1) Бірлестіктің Жарғысын қабылдау, оған өзгертулер мен толықтырулар енгізу;
- 2) Бірлестіктің басқару органдарының құзіретін, ұйымдық структурасын, құру тәртібін және өкілеттілігінің қысқарту тәртібін белгілеу;
- 3) атқарушы органдардың қаржылық есеп беру тәртібін және уақытын, оған қоса Тексеру комиссиясының тексеру жүргізу тәртібін белгілеу және олардың қорытындыларын бекіту;
- 4) заң актілерінде белгіленген көлемде Бірлестіктің басқа да заңды тұлғаларды, оған қоса өз филиалдарын және өкілдіктерін құруға немесе қызметтеріне қатысу туралы шешім қабылдау, Бірлестіктің филиалдарын және өкілдіктерін құру туралы шешім қабылдау, және олар туралы Ережелерді бекіту;
- 5) Бірлестіктің Авторлық кеңесінің мүшелерін, Бірлестіктің Тексеру комиссиясын бес жыл мерзімге сайлау және осындай мерзімге қайта сайлау мен тағайындау, сонымен қатар олардың өкілеттіктерін мерзімнен бұрын тоқтату;
- 6) сайланған уақытынан бастап Бірлестік атынан әрекет ететін және барлық мемлекеттік, оның ішінде сот, органдарында және ұйымдарында, қоғамдық, коммерциялық және басқа да ұйымдарда сенімхатсыз Бірлестік атынан өкілдік ететін Бірлестіктің Бас директорын бес жыл мерзімге сайлау және осындай мерзімге қайта сайлау мен тағайындау, сонымен қатар оның өкілеттілігін мерзімнен бұрын тоқтату;
- 7) Бірлестіктің Авторлық кеңесінің, Тексеру комиссиясының, Бас директорының есептерін бекіту;
- 8) авторлық және сабақтас құқықтарының нысандарын әр түрлі пайдалану түрлері үшін сыйақының мөлшерін, оған қоса оны бөлу және төлеп беру тәсілдерін белгілеу, лицензиялық келісім шарттардың шарттарын белгілеу;
- 9) Бірлестіктің өз жарғылық функцияларын атқаруға кеткен шығындарды жабу үшін жиналған және (немесе) алынған сыйақыдан ұсталып қалатын ұсталымдардың мөлшерін белгілеу;
- 10) табыстары төмен және қартайған авторлық және сабақтас құқық иелеріне қолдау көрсету, дарынды авторларға, орындаушыларға және басқа да құқық иеленушілерге стипендиялар, грантар, сыйлықтар және басқа да материалдық қолдау түрлерін төлеп беру үшін, Бірлестіктің арнайы қорларын құру туралы шешім қабылдау және осындай қорларға жіберілетін сыйақының мөлшерін белгілеу;
- 11) Бірлестікті қайта құру және тарату туралы шешім қабылдау;
- 12) Бірлестік эмблемасын бекіту.

5.3. Бірлестік мүшелерінің және/ немесе олардың өкілдерінің (сенімхат бойынша) жартысынан астамы қатысқан Жалпы Жиналыс шешім қабылдауға құқылы.

5.4. Бірлестік мүшелері және Бірлестіктің Авторлық кеңесінің мүшелері Жалпы Жиналысқа және Бірлестік Авторлық кеңесінің отырыстарына өкілдер арқылы қатысуға құқылы. Өкіл Бірлестік мүшелерінің шексіз санын ұсына алады. Сенімхат Қазақстан Республикасының заңнамасына сәйкес және Бірлестік мөрімен куәлендірілуге тиіс.

5.5. Жалпы Жиналыс шешімдері Бірлестік мүшелерінің Жалпы Жиналысқа қатысқандарының жәй ғана көпшілік дауысымен қабылданады. Дауыс беру нысаны Жалпы Жиналыспен белгіленеді.

5.6. Осы Жарғының 5.2. тармағының 1 және 6 тармақшаларында көрсетілген мәселелер бойынша Жалпы Жиналыс шешімдері егер Бірлестік мүшелерінің Жалпы Жиналысына қатысушыларының үштен екі бөлігі осы шешімдерге дауыс берген болса кворум болған жағдайда қабылданған болып есептеледі.